

菩薩投身飼餓虎起塔因緣經

北涼高昌沙門法盛譯

佛告阿難過去九劫時世無佛有一大國名乾陀摩提王名曰乾陀尸利夫人名曰欽摩目併太子名曰栴檀摩提其國廣博豐樂饒人人壽千五百歲太子福德天下太平無偷劫賊人民和順不相剋伐太子慈仁聰明智慧貫練羣籍及九十六種道術威儀靡不通

行一

四

如是我聞一時昔佛遊乾陀越國毗沙門波羅大城於北山巖蔭下爲國王大臣人民及天龍八部人非人等說法教化度人無數教化垂畢佛便微笑口出香光光有九色遍照諸國香薰亦爾時諸大衆覩光聞香皆大歡

喜時光明還繞佛七匝復從口入爾時阿難整衣服長跪叉手白佛言今者世尊現奇瑞

相必有因緣多所饒益衆生蒙祐惟願天尊說其因緣

佛告阿難如汝所說諸佛密口凡所現相皆有因緣汝欲聞乎阿難曰唯天中天

利華及餘種種赤白蓮華孔雀翡翠鳩鵠鴛鴦遊戲其中清涼香潔微妙第一

爾時太子與羣臣百官及后妃采女導從前後詣園遊戲經一七日迴駕還宮爾時國界有貧窮孤獨老病百疾聞太子還悉來在道側張手向太子太子見已即以身瓔珞服飾

及金錢銀錢車乘象馬悉用布施及至城門無復餘物貧者猶多恨不周足太子還宮念諸貧人憂不能食王問太子爲恨何也太子答曰近出遊觀見諸貧人來在道側求索所乏即以身所有施之猶不周足故自愁耳今欲從大王乞中藏財物周給天下不審大王

賜所願不王言國家庫藏防備緩急不宜私用於是太子所願不果愁倍於前太子傍臣

名曰闍耶見太子不食悲感懊惱長跪叉手白太子言臣有金錢十千奉上大天隨意所用願莫憂貧飲食如先錢若不足臣當賣身供奉大天於是闍耶即以金錢十千奉上太

行十

五

子太子使人持錢出城布施盡十千數猶不得周還白太子金錢已盡貧者尚多

於是太子即使傍臣料檢私藏復得金錢千

千布施貧者猶不充足太子自念夫人之苦皆由貧窮求不得苦今當自賣所愛之身救

彼人苦令得安樂思惟是已却珍寶衣著凡

故服默出宮城投適他國名裴提舍自衒賣身與一婆羅門得千金錢即以此錢施諸貧人時婆羅門使奴將車入山斫樵於市賣之經於多時後復取薪乃於山中得牛頭栴檀一段重一百斤時彼國王本有癩病醫方呪術不能令差王便怒曰用醫何爲夫人百病皆有對治之藥而我此病何獨不蒙令收諸醫於市斬刑

時有一醫叩頭白王言今王此病對治之藥世間難有雖有其名未曾得見王曰藥名何等答曰牛頭栴檀王曰夫人罪福業行不同自有福人設有此藥即教宣今天下誰有此

藥當分半國從其市之

時婆羅門喚奴語曰你從來賣薪雖獲微直不如今者富貴之利國王有病今以半國市牛頭栴檀汝今可賣此栴檀往奉大王必得如意吾當與汝共同此樂也

時奴便持牛頭栴檀奉上國王王得之已喜

以塗身癩病即愈王大歡喜舉國臣民各蒙慶賴即召羣臣大設施會放赦囚徒布施貧乏上下和樂王使大臣破半宮殿及所領國

民金銀珍寶錢財穀帛奴婢車乘象馬牛羊悉皆分半莊嚴寶車百乘馬騎千疋作倡妓樂香華幢旛百味飲食迎奴還國即便請之

共坐寶牀作倡妓樂飲食娛樂

王問奴曰見卿福德威相有殊於世何緣處

賤願聞其志

奴曰甚善卿欲聞者今當說之如卿所疑吾本非奴卿頗曾聞乾陀摩提國王有太子名栴檀摩提好布施不答曰我數聞名但未曾

行一

六

見耳曰吾便是也其王聞已倍更敬重曰何緣致是太子曰吾好布施盡國財物不足周用窮者猶多本願不遂是以捨國自賣身耳王曰夫人宿行隨業受報修善則樂行惡則

苦非卿所爲非父母與何乃虧國大望處險涉難如此之事天下少有必有異見願聞其

志太子答曰吾本發意誓度羣生行諸波羅蜜志求菩提

王曰善哉甚大隨喜太子語王今以國還卿唯求一願當不見違答曰所願何等太子曰欲得中藏錢財之物以周給天下貧窮孤老庭羸百疾恣意布施滿五十日其中功德與

卿共之

王曰甚善錢財之物隨卿施用所賞半國是卿功分吾不敢受太子曰善卿以財施我我以國奉卿我好布施卿之樂國人物殊恆志欲不同王曰此行弘深非吾所及卿得道時願見濟度

行一

太子即遣使宣告諸國若有貧窮孤老庭羸之者悉令來會爾時太子使人開諸庫藏運輦財物於平坦地布施貧人滿五十日貧者得富莫不歡喜

爾時太子委國去後羣臣驚怖啼哭白王昨夜忽亡太子不知所在王聞是語從牀而落

行一

七

迷不識人夫人宮中后妃嬪女及諸臣佐莫
不驚怪悲感懊惱舉聲號叫奔出四向追覓

太子

時王夫人懼失太子忽忽如狂即與后妃褰
裳被髮奔走出城東西馳逐尋覓太子
王恐夫人念子懊惱或能致命即與羣臣嚴

駕出城追覓夫人并太子消息去國十里於
空澤草中乃見夫人從數宮女椎眉涕泣頭
亂目腫披擘草叢求覓太子其王見已更增
悲結前捉夫人手涕泣交流諫夫人曰吾子
福德慈孝布施與物無怨盡以財物布施天
下猶不周足常懷悔恨無物施用子今密去
必投他國求財布施或自賣身周給貧苦且
共還宮勿大憂愁吾今當遣使到諸國中訪
問消息必得子還夫人罵曰由王慳貪護惜
錢財不念我子今寧可以錢財爲子身不王
曰吾失在先今悔何及且共還宮保不失子
今當躬身四出求索要當子還夫人垂淚曰

今失我子用生何爲寧死於此不空還也我
觀子身不知飢渴雖遭大苦不以爲患今還
守宮何所怙恃於是太子后妃被髮亂頭號
天叩地四望顧視不見太子號天叩頭飲淚
而言天地日月父母靈神若我有罪今悉懺
悔願與我大天早得相見於是國王強牽夫
人及太子后妃車載還宮太子爾時遙在他

國兩目手足三返瞞動心中愁怖似有忘失
即辭彼王還歸本國王令傍臣莊嚴寶車百
乘馬騎千匹金錢十千銀錢十萬王有五百
大臣人各金錢十千銀錢十萬以贈太子王
與羣臣十千萬人送太子到國界頭施設大
會歡喜相謝於是別去太子惟曰從小以來
足不妄動目不妄瞞吾前出國不辭父母必
是父母及國人民恐失我故憂愁苦惱今當
速去令知消息又復惟曰道途曠遠不可卒
到恐我父母哀念情重或喪身命當作何方
令得消息速達時有烏鳥善能人語白太子

行一

言仁德至重恩潤普及憂何不辦欲何所爲吾當助之太子答曰欲託一事願見不違烏曰奉命太子曰煩卿送書與我父母烏曰宜急今正是時太子作書以授與烏烏口銜書飛到本國以書置王前王披書讀知太子消息甚大歡喜即起入宮語夫人曰如吾語卿

知不失子不過數日必得見子夫人聞已如死還蘇拍手稱善曰令一切天下安隱快樂所願皆得壽命無量爾時國中羣臣豪族男女大小聞太子還皆稱萬歲王即與羣臣數千萬人嚴駕導從出迎太子道路相逢太子見父即下寶車前接足禮啓白父王自道不

孝枉屈尊神驚動國界幸蒙原恕王曰甚善父子相見悲喜交集迴駕還宮舉國民庶莫不歡喜遠方諸國貧窮乞人聞太子還多得錢財皆從遠來詣太子乞太子使人擔輦錢物於道路頭平坦空地布施貧人一年之中日日不絕四方來者皆得如意爾時父王與

諸大臣語太子曰從今已往國藏珍寶隨所須用莫自疑難夫施之德遠近所重怨敵惡人聞太子功德者自然修善爾時有五通神仙道士名曰勇猛與五百弟子在此山上大巖窟中修禪行道志求菩提欲度衆苦教化天下皆令修善爾時太子栴檀摩提賣持種

行一

九

種百味飲食上山供養諸仙道人於時仙師呪願太子因爲說法太子心喜志樂無爲不欲還國顧惟宮室生地獄想妻子眷屬生杻械想觀五欲樂爲地獄想思惟是已即解瓔珞嚴身上服及車馬人從悉付傍臣遣令還國於是太子被鹿皮衣留住山中從師學道

鑽尋道術時太子傍臣還國白王太子上山供養仙人留彼學道不肯還宮經書呪術悉令通達自要當還王曰一何苦哉世人得子以致歡樂憑賴老時益國除患吾得此子常懷憂苦不欲富貴不親眷屬此之惱子何道之有即召羣臣共論此事諸臣啓曰太子好

道不貪世榮志樂無爲旣不還國非可如何
王宜遣使審定其意必不還者當量其宜王
即遣信往問太子吾今待子如渴思飲停留
山中不還爾意今夫人后妃揮涕望塗悲號
懊惱不自任處夫子道安親不宜苦逆隨使
必還使者受命旨白如是太子荅曰萬物無

常形不久存室家歡娛離別則苦性命由天
不得自在無常對至雖有父子不得相救今
求無爲欲度衆苦得道之日先度父母今此
處不遠亦當時往奉觀目下此志已定王宜
更計續立國嗣還信白王具說上事王即召
集羣臣更立太子時王夫人與太子后妃媒
女營從賣持太子衣服嚴身之具及種種甘
美飲食香華妓樂導從前後上山到太子處
飯諸仙衆因迎太子夫人曰夫種穀防飢掘
井待渴立郭防賊養子侍老汝今不還吾命
不全太子長跪白夫人曰捨家處山改形易
服如唾出口不中食用閑居道士於國無施

理分已定非可改移寧碎身於此終不還也
願母時還尋爾修觀於是夫人及太子后妃
見太子志意堅固無有還意悲哭懊惱隨路
而歸於時國王惟望夫人得太子還與諸羣
臣出城迎接唯見夫人與太子后妃被髮亂
頭推胷號叫隨路空歸王益不樂羣臣萬衆

行一

十

莫不涕淚迴駕還宮於是國王諫謝夫人及
太子妻吾子好道世間難有慈育普濟莫不
蒙恩此國之寶非凡器也今樂山居以修其
志但令安隱時復相見今且與子相去不遠
餉致飲食消息往來可以自慰於時夫人得
王諫已憂憤小歇時時遣人賣持飲食及諸
甘果種種美膳往到山中供養太子如是多
年太子亦時時來下問訊父母乃復還山修
道其上下有絕崖深谷底有一虎新生七子
時天大降雪虎母抱子已經三日不得求食
懼子凍死守餓護子雪落不息母子飢困喪
命不久虎母既爲飢火所逼還欲取子時山

諸仙道士見此事已更相勸曰誰能捨身救濟衆生今正是時太子聞已唱曰善哉吾願果矣往到崖頭下向望視見虎母抱子爲雪所覆生大悲心立住山頭寂然入定即得清淨無生法忍觀見過去無數劫事未來亦爾即還白師及五百同學吾今捨身願各隨喜

師曰鄉學道日淺知見未廣何忽自夭捨所愛身太子答曰吾昔有願應捨千身前已曾捨九百九十九身今日所捨足滿一千身是故捨耳願師隨喜師曰鄉志願高妙無能及者必先得道勿復見遺太子辭師而去於是大師與五百神仙道士涕泣滿目送太子到

行一十一

山崖頭時有富蘭長者將從男女五百餘人賣持飲食上山供養見太子捨身悲感啼哭而隨太子至山崖頭於是太子在衆人前發大誓願我今捨身救衆生命所有功德速成菩提得金剛身常樂我淨無爲法身未度者令度未解者令解未安者令安我今此身無

彼餓虎餘舍利骨我父母後時必爲起塔令一切衆生身諸病苦宿罪因緣湯藥針灸不得差者來我塔處志心供養隨病輕重不過百日必得除愈若實不虛者諸天降雨香華諸天應聲即雨曼陀羅華地皆震動太子即解鹿皮之衣以纏頭目合手投身處前於是母虎得食菩薩肉母子俱活時崖頭諸人下向望視見太子爲虎所噉骨肉狼藉悲號大叫聲動山中或有椎骨自撲宛轉卧地或有禪思或有叩頭懺悔太子

爾時首陀會諸天及天帝釋四天王等日月諸天數千萬衆皆發無上菩提之心作倡妓

樂燒香散華曼陀羅華供養太子而唱是言
善哉摩訶薩埵從是不久當坐道場如是三
唱已各還天宮

五百仙人皆發無上正真道意神仙大師得
無生忍王及夫人明日遣使賈持飲食上山
餉太子到住常石室唯見卧具鹿皮衣傘蓋

鉢盂錫杖水瓶澡罐悉在室中不見太子周
遍問人無有應者唯見仙人十十五五相向
涕泣到大師所唯見仙師以手挂頰涕淚滿
目呻吟而坐周徧推問無肯應對使者怖懼
即以飲食施諸仙士走還白夫人具說上事
夫人曰不見我子見諸仙不答曰但見仙士

行一

十二

十十五五相向涕泣夫人曰禍哉吾子死矣
椎胷大叫奔走詣王王聞是已從牀而落迷
不知人羣臣萬衆來集王側叩頭諫曰太子
在山未審虛實何爲哀慟願王小息於是王
及夫人后妃嬪女臣佐吏民褰裳徒步奔走
上山爾時長者富蘭亦逆來告王曰太子昨

日投身巖下以肉飼虎今餘骸骨狼籍在地
於是長者即引導王到太子屍處王及夫人
后妃嬪女羣臣吏民舉聲悲哭震動山谷王
與夫人伏太子屍上心肝斷絕悶不識人妃
前扶頭理太子髮心肝摧碎啼哭聲噎曰一
何薄命生死我尊今日永絕不復得見寧令

我身碎如塵粉不令我天奄忽如今太子已
死我用活爲時羣臣白王太子布施誓度羣
生無常殺鬼所侵奪也未及臭爛宜設供養
即收骸骨出山谷口於平坦地積栴檀香及
種種香木諸香蘇油繒蓋幢旛以用闔維太
子收取舍利以寶器盛之即於其中起七寶

塔種種寶物而莊校之其塔四面縱廣十里
列種種華果流泉浴池端嚴淨潔王常今四
部妓人晝夜供養娛樂此塔

佛告阿難爾時太子者我身是也時父王者
即今父悅頭檀是時夫人者母摩耶是爾時
后妃今瞿夷是時大臣闍耶者阿難是爾時

行一

十三

山上神仙大師者彌勒是也裴提舍王者難陀是也時婆羅門者羅雲是也彌勒菩薩從

時
昔已來常是我師以吾布施不惜身命救衆

生故超越師前懸較九劫今致得佛濟度無極佛說是時天龍及人八萬四千皆發無上平等道意八千比丘漏盡結解得應真道王

及羣臣天龍鬼神聞佛說法皆大歡喜禮佛而去

菩薩投身飼餓虎起塔因緣經

行一

爾時國王聞佛說已即於是處起立大塔名爲菩薩投身餓虎塔今現在

塔東面山下有僧房講堂精舍常有五千衆僧四事供養法盛爾時見諸國中有人癩病及癩狂聲盲手脚跛及種種疾病悉來就此塔燒香然燈香泥塗地修治掃灑并叩頭懺悔百病皆愈前來差者便去後來輒爾

二經合卷釋音

菩薩內習經

羼提上初薦初反
惟逮下音代
痛苦下音唱
亦作癢黠八開

反匿尼反

倡導上音唱

下音道

菩薩飼虎經

行一

飼音寺
亦飲群籍下才反
靡亦反
彼反
園觀貴
縱廣足
容反
翡翠上房未反
居下時反
衡音研
縣研樵上之若反
鳩鵠交
導從聲
下去車乘上去平聲
人符上音
上烏荒反
下力垂反
號叫上戶聲
高反去
褰去
下推直追
我數下音
庭羸上去平聲
眷麥潤動上而枉紆往
要淳反
住處下尺嗣音掘渠月
械上音五下鑽子官
胡界反
鑽反
自俱妹反
要音邀約也
蠶上知主反
洞釋又呼各反
徒跣下先撲反
角蒲角
深罐早貴尚反
餉上詩
憤反
奄於檢古帖反
盛之成音
跛上必亦反
拄下博於結反